



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

***ODLUKA***  
***O DODJELI NAGRADE „GRAHAM BAMFORD“***  
***(prijedlog)***

*Predlagač:*  
*Komisija za izbor i imenovanja Gradskog vijeća*

*Obrađivač:*  
*Stručna služba za poslove Gradskog vijeća*

*Sarajevo, februar 2022. godine*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 - Prečišćeni tekst) i člana 15. stav 2., a u vezi sa članovima 11, 12. i 13. Odluke o priznanjima i nagradi Grada Sarajeva („Službene novine Kantona Sarajevo“, br. 34/10 - Prečišćeni tekst, 14/14, 31/14 i 11/20), Gradsko vijeće Grada Sarajeva na \_\_ sjednici održanoj dana \_\_. \_\_. 2022. godine, donijelo je

*(prijedlog)*

**ODLUKU**  
**O DODJELI NAGRADE „GRAHAM BAMFORD“**

**Član 1.**

Dobitnica Nagrade „Graham Bamford“ je *Lejla Šopović* za iskazanu izuzetnu građansku hrabrost, solidarnost, humanost i altruizam.

**Član 2.**

Nagrada se dodjeljuje u obliku diplome uz novčanu nagradu.

**Član 3.**

Nagrada se uručuje se na Svečanoj sjednici Gradskog vijeća Grada Sarajeva.

**Član 4.**

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

*Jasmin Ademović*

Broj: 01-GV-02- /22  
Sarajevo, \_\_. \_\_. 2022. godine



## **OBRAZLOŽENJE**

### **PRAVNI OSNOV**

Pravni osnov za donošenje ove odluke sadržan je u članu 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 - Prečišćeni tekst) kojim su utvrđene nadležnosti Gradskog vijeća Grada Sarajeva za donošenje odluka o priznanjima i nagradi Grada Sarajeva. Članom 15. stav 2. Odluke o priznanjima i nagradi Grada Sarajeva („Službene novine Kantona Sarajevo“, br. 34/10 - Prečišćeni tekst, 14/14, 31/14 i 11/20) propisano je da Gradsko vijeće donosi odluku o dodjeli Nagrade. Članom 11. Odluke propisano je, između ostalog, da se Nagrada „Graham Bamford“ dodjeljuje pojedincima, građanima Bosne i Hercegovine i stranim državljanima, za iskazanu izuzetnu građansku hrabrost, solidarnost, humanost i altruizam, te da se Nagrada dodjeljuje u obliku diplome, uz novčanu nagradu čiju visinu utvrđuje Administrativna komisija Gradskog vijeća Grada Sarajeva. Odredbama člana 12. i 13. Odluke o priznanjima i nagradi propisani su ovlašteni predlagači (između ostalog i udruženja) i sadržaj prijedloga.

### **RAZLOZI ZA DONOŠENJE**

Strukovni sindikat medicinskih sestara i tehničara Kantona Sarajevo podnio je prijedlog da se Lejli Šopović dodjeli Nagrada „Graham Bamford“. Podneseni prijedlog sa obrazloženjem, je u prilogu ove odluke.

Komisija za izbor i imenovanja Gradskog vijeća Grada Sarajeva je u skladu sa ovlaštenjem utvrđenim Odlukom o priznanjima i nagradi Grada Sarajeva („Službene novine Kantona Sarajevo“, br. 34/10 - Prečišćeni tekst, 14/14, 31/14 i 11/20) razmotrila prijedlog, te utvrdila Prijedlog Odluke i uputila ga Gradskom vijeću na razmatranje.

### **RJEŠENJA IZ PREDLOŽENE ODLUKE**

Usvajanjem ove odluke Gradsko vijeće u članu 1. dodjeljuje Nagradu „Graham Bamford“, a u članu 2. određuje da se Nagrada dodjeljuje u obliku diplome uz novčanu nagradu. U članu 3. se naglašava da se Nagrada uručuje na Svečanoj sjednici Gradskog vijeća Grada Sarajeva. Članom 4. se definiše stupanje na snagu Odluke i obaveza objavljivanja u „Službenim novinama Kantona Sarajevo“.

### **SREDSTVA ZA PROVOĐENJE ODLUKE**

Sredstva za realizaciju ove odluke planiraju se u Budžetu Grada Sarajeva, a o visini Nagrade odlučuje Administrativna komisija Gradskog vijeća Grada Sarajeva, u skladu sa članom 11. stav 3. Odluke o priznanjima i nagradi Grada Sarajeva.